



Broj: 01-42-2-607-38/17
Sarajevo, 26.02. 2018. godine

**BOSNA I HERCEGOVINA
MINISTARSTVO VANJSKIH POSLOVA**

PREDMET: Interaktivni portal za Dijasporu iz BiH

Poštovani,

Ministarstvo za ljudska prava i izbjeglice BiH, u okviru svojih nadležnosti za iseljništvo, zaduženo je, zajedno sa Ministarstvom vanjskih poslova BiH, za provođenje dokumenta "Politika o saradnji sa iseljništvom" ("Službeni glasnik BiH", br. 38/17), kojom je predviđena mjera 2.5. Unaprijediti informiranje, razmjenu informacija i međusobnu komunikaciju što će biti realizirano, između ostalog, i kroz uspostavu i pokretanje Interaktivnog portala za dijasporu iz BiH.

Uspostava ovog portala realizirana je u okviru projekta "Dijaspora za razvoj" (D4D), koji je projekat Vlade Švicarske i Ministarstva za ljudska prava i izbjeglice Bosne i Hercegovine u partnerstvu sa Razvojnim programom Ujedinjenih nacija (UNDP) i Međunarodnom organizacijom za migracije (IOM) u BiH.

Primarni cilj ovog portala je da se uspostavi dvosmjerna komunikacija između Bosne i Hercegovine i našeg iseljništva. Ono što je bitno za ovaj portal jeste da je on izraz volje i, prije svega, ideje iseljništva da se napravi ovakav portal koji bi bio zajednička tačka komunikacije. Portal pruža bh. dijaspori pored vijesti, dokumentata, informacija o projektima i mogućnost da iznesu svoje ideje i projekte, kao i da učestvuju u kreiranju javne politike u BiH, a posebno određenih politika koje su značajne za iseljništvo i ekonomski razvoj BiH.

Ovakva jedna platforma omogućava nesmetanu komunikaciju između dijaspore i Bosne i Hercegovine, gdje će predstavnici dijaspore imati mogućnost da podijele iskustva stečena u inostranstvu, ideje, aktivnosti i znanje u svojim područjima ekspertize i promovišu inicijative iz dijaspore za razvoj BiH. Između ostalog, na portalu je dostupan i objedinjen adresar institucija u BiH, kao i diplomatsko-konzularnih predstavništava zemlje u svijetu, te registar organizacija bosanskohercegovačkog iseljništva.

U prilogu dostavljamo vijest o održanoj promociji portala, logo i link portala, te molimo da iste postavite na web stranicu Ministarstva vanjskih poslova BiH. Također, molimo da iste prosljedite svim diplomatsko-konzularnim predstavništvima BiH u svijetu u svrhu njihovog informiranja i informiranja iseljništva u zemljama prijema, kao i da pozovu sve organizacije i udruženja da se registriiraju na portal. Molimo da diplomatsko-konzularna predstavništva također ove dokumente postave na svoje web stranice.

S poštovanjem,

MINISTRICA
Semih Borovac

Sarajevo, 26. februar 2018. godine

Promoviran prvi interaktivni portal za dijasporu iz Bosne i Hercegovine

Prvi interaktivni portal za dijasporu iz Bosne i Hercegovine u vlasništvu Ministarstva za ljudska prava i izbjeglice pokrenut je u ponedjeljak u Sarajevu, a uspostavljen je u svrhu provedbe Politike o saradnji s iseljeništvom, odnosno unapređenja komunikacije i razmjene informacija između bh. iseljeništva i BiH.

Portal dijaspora.mhrr.gov.ba je kreiran u okviru projekta "Dijaspora za razvoj", koji je projekt Vlade Švicarske i Ministarstva za ljudska prava i izbjeglice u partnerstvu s Razvojnim programom Ujedinjenih nacija (UNDP) i Međunarodnom organizacijom za migracije (IOM) u BiH.

Na promociji interaktivnog web-portala za dijasporu iz BiH govorile su Semiha Borovac, ministrica za ljudska prava i izbjeglice BiH, Andrea Rauber Saxer, ambasadorica Švicarske u BiH, i Nirvana Pištolejić, predsjednica Bosanskohercegovačko-američke akademije nauka i umjetnosti (BHAAAS).

Primarni cilj ovog portala je da se uspostavi dvosmjerna komunikacija između države BiH i našeg iseljeništva. Ono što je bitno za ovaj portal jeste da je on izraz volje i, prije svega, ideje iseljeništva da se napravi ovakav portal koji bi bio zajednička tačka komunikacije.

Portal će pružiti bh. dijaspori pored vijesti, dokumentata, informacija o projektima i mogućnost iznesu svoje ideje, svoje projekte i da na taj način da učestvuju u kreiranju javne politike u BiH i posebno određenih politika koje su značajne za iseljeništvo, a na takav način da utiču na ekonomski razvoj BiH

Bosanskohercegovačka dijaspora je izvor i bogatstvo informacija, vještina i vrijednosti koje mogu biti od koristi njihovoj domovini, a mnogi od njih već pokazuju interes da pomognu BiH.

Ovakva jedna platforma omogućava nesmetanu komunikaciju između dijaspore i Bosne i Hercegovine, gdje će predstavnici dijaspore imati mogućnost da podijele iskustva stečena u inostranstvu, ideje, aktivnosti i znanje u svojim područjima ekspertize i promovišu inicijative iz dijaspore za razvoj BiH.

Između ostalog, na portalu će biti dostupan i objedinjen adresar institucija u BiH kao i diplomatsko-konzularnih predstavništava zemlje u svijetu te registar organizacija bosanskohercegovačkog iseljeništva.

Posredstvom portala bit će osigurano učešće iseljenika u kreiranju javnih politika u nadležnosti Ministarstva i drugih institucija te će biti objavljivane informacije o poslovnim prilikama kao i javni pozivi sa informacijama o mogućnosti finansiranja projekata ili apliciranja za grant sredstva.